

1. Mulo Jijai Ne Tebo Tepuk Ngen Tebo Pabes

Generito oleh Pak Iskandar Zulkarnain dan Pak Sabidin Ishak

Neak beak Tebo Tepuk yo adé ba butau keneliling buluak. Neak butau yo adé ges teningēa Dileak Pét. Adé ges penan ne temot. Adé kulo ges telapok kékéa Dileak Pét. Neak depeak penan ne o adé kulo bania buluak. Sapei ba uyo tun menea buluak o jijai gén bies kéwéa.

Rupo ne Dileak Pét yo adé ba tun sidai ngen belemau, pacok sihir kulo. Jano neluak nadeak dileak ne pasti jijai kecewali barang bi cigai adé nyabai ne. Neluak ne tun jijai butau jije nien tun butau. Diyo ba gelar ne nadeak tun Dileak Pét. Padeak tun tuai ite dute, adé debilai Dileak Pét dong temot neak das butau o nano. Si bekajai lok menea penan ngéwéa. Si lok menea pong lai, lok metis bioa. Lebong lok nenea ne jijai kulam libea.

Sudo o si muloi kerjo mikoa pitok. Taneak nikoā ne o neak penan tebet Tés uyo. Si terus mikoa pitok, nakut ne. Si musung, pakei peleki. Taneak do nakut, nusung ne yo nano. Dau kulo tupea neak dalen, jijai ba tebo titik bedérét yo uyo. Do keneliak ite anak kepau jaman uyo.

Taneak do nusung ne makei peleki yo nano. Nepék ne neak datea kebun tun sadei Pagar Agung magea sadei tun keliling o. Neak ipe taneak neletok ne nano, jijai ba tebo. Padeak ite uyo, Tebo Tepuk magea Tebo Pabes. Taneak yo nano si o lok utuk menea pong metis bioa—Bioa Tawen, Bioa Du'es, Bioa Kotok—penan ne lok metis menea pong yo nano. Neak lot jāmen sadei Tunḡang.

Tapi kelok Dileak Pét coa jijai. Tun kutai sadei muloi namen rencano ne si lok menea Lebong yo jijai laut.

Wargo sadei muloi kerényéng pogo a mékér awei ipe tema'ok temegeak Dileak Pét yo. Waktau si sibuk semanget gi dong kerjo, adé dikup tun sadei semulau ma'ok si miké madeak ngen si.

“Anok bujang sayang nu neak sadei cerito ne bi matei,” padeak tun sadei.


Dileak Pét muloi tecengang temi'uk sa'ei pesen tun magea si.

“Jijai bah,” padeak Dileak Pét, “Uku bélék moi sadei amen anak sayang ku matei.” Awei yo bah, kejjai ne. Jano nadeak ne? Magea dileak ne yo bé pasti jijai. Si tekadeak anak ne matei, jano padeak ne anak ne neak dasei matei nien. Waktau si bélék moi sadei, si kemeliak tun neak umeak ne kelebiak dau ne. Matei nien anak sayang ne yo. Tun sadei sudo magea. Kenubo ne bi sudo kulo.

Sudo o Dileak Pét coa jijai niat ne lok menea pong lai. De'éra Lebong buyé tekapus jijai laut libea. Gara-gara si kemeliak anak sayang ne jijai tuṁal lemau do negong ne.

TEPUK


PABES



2. Lalan

Bel o adé cerito tun tuai. Cerito ne awei yo. Adé neak do sadei diem tun bujang. Gén ne Bujang Kurung. Adé do bilai si lalau moi ngéwéa penan ne bioa Ketawen, coa si uak kuñei sadei ne. Si alau moi ngéwéa, neḿin ne belas ngen silai. Si lalau menék matai bilai. Si beguték paneu. Coa an sapei si neak penan ne lok ngéwéa. Si muloi ngéwéa. Coa kan lok eḿuk kéwéa ne. Bilai bi pelbeak, uliak coa. Adé asai ne lok bélék. Waktau lok bélék, teni'uk ne adé sa'ei tun. Si lok mimang. Si tecengang kemeliak adé tun ba'es dong meñai.

Adé dikup ba'es su'ang, do piset su'ang. Beguték Bujang Kurung ma'ok ne, coa tobo o namen. Bujang Kurung lok mok bajau do piset su'ang. Waktau tobo o sudo meñai, lok makei bajau ne, kes ne bajau do piset bi nyep. Pasuak ne sudo makei bajau kute, lok bélék moi léngét. Tapi gi piset nano cigai nam terbang igai. Bajau ne bi nyep. Ngīnoi si an-an ne. Pasuak ne ngīnoi kulo kemeliak asuak ne coa nam bélék igai. Sudo o pasuak ne lalau kute. Tingēa ba gi piset su'ang.



Keneliak Bujang Kurung api si do o. Tekanyet si. Coa si sako do o anak diwo. Si maik bajau do nemok ne nano. Si em̄in melilai. Sudo o Bujang Kurung magea igai do piset nano. Si temanyé, gen tai coa bélék moi léngét. Padeak do piset bahwo bajau ne nyep. Sudo o Bujang Kurung majok moi sadei. Gi piset o lok kulo moi sadei. Tenanyé

Bujang Kurung gén ne. Gén ne Lalan.

Bi sapei neak sadei Bujang Kurung, nem̄in Bujang Kurung moi umeak ne. Diem ba Lalan neak di an bi kean. Bujang Kurung tujau ngen Lalan. Lalan lok kulo, cito kulo ngen Bujang Kurung. Coa an sudo o jenijai tun sadei o tun beduai yo.

Abis cerito ku.

3. Kacéa Adé Bah Tukang Ngiké

Bel o adé kacéa dikup. Cerito ne barat yo. Waktau o jaman nebai Sulaiman. Benatang pacok kute miling.

Bilai panes, Kacéa meto-meto idea moi $\bar{i}mo$ sunyai baé. Kacéa meto-meto moi umeak kuat-kuat ne, tapi kuat ne alau kute. "A, baik uku tidua baé," nékér Kacéa. Si lalau mesoa kieu do $\bar{u}mau$. Si muloi tidua. Muloi lok tidua, teni'uk ne gemerésék. Si kemelalai, jano, Imeu lok $\bar{e}muk$ si. Kacéa lok melilai, cigai nam igai. Tapi si icak-icak ibo. Imeu temanyé, "Gen tai ko ibo, 'Céa? Jibeak ibo ngen uku lok $\bar{e}muk$ ko".

"Uku coa ibo ngen ko lok e \bar{m} uk uku," padeak Kacéa. "Tapi gi ibo ku, api bakea tukang tung \bar{a} u bedok ninik ku yo?" padeak Kacéa samo temun \bar{j} uk sa'ang tebuen neak das pun kieu o. Sudo o Kacéa ngi \bar{n} oi seset.

"Buliak uku temabuak ne, coa?" padeak Imeu . "Jibeak!" padeak Kacéa samo ngi \bar{n} oi.

"Gen tai?" padeak Imeu.

"Kereno atei ku ibo nien amen uku temi'uk ne."

"Keluak ba uku temetus ne, 'Céa," padeak Imeu . "Bé uku coa e \bar{m} uk ko."

"Tapi amen ko temetus ne, atei ku ibo lut," padeak Kacéa. "Tapi amen ko lok temetus ne nien, kunyau ba uku alau uak-uak ne kileak" padeak Kacéa. Amen uku madeak "Sudo!" bé, ko muloi temetus ne. Uku cigai temi'uk igai," padeak Kacéa.

"Moi bah!" padeak Imeu o.

Sudo o Kacéa melilai uak-uak ne. Bi uak, si pekik "Sudo!" Temi'uk Kacéa madeak "Sudo!" muloi Imeu temetus sa'ang tebuen o. Jano padeak te? Pelebei tebuen keluea mutet Imeu. Imeu tepekik-pekik gis nutet tebuen. Moi ipe melilai jenalang tebuen o mīni mīnoi lajau matei Imeu ne.

ka	ku	ki	ké	ko	kau	keu, ke	këa, kah	ka', kak	kai	kar	kang	kan	-k

Bélék cerito ite temau Kacéa nano. Si melilai gacang-gacang ne. Sudo o si bedan iding dung dong tidua. Jano padeak, coa si namén Buang neak belakang kedong ne, lok ēmuk Kacéa.

Tapi Kacéa madeak, "Sabar kileak, wéh!" kereno amen Buang lok ēmuk si, arus makei beténg Nebai Sulaiman dong gulung yo, kereno si neluak Nebai Sulaiman tukang tunḡau ne baé. Buang mok beténg dong begulung o. Si makei. Jano padeak te? Dung jagai latok ne melilit Buang lajau Buang matei kulo.

Sudo o Kacéa melilai uak-uak ne.



**“Tapi kalau kamu hendak memukulnya juga, tunggu dulu
aku pergi jauh-jauh,” kata kancil.**

4. Bénéng Ngen Be'uk

Bel o adé neak negrai nebai Sulaiman Be'uk ngen Bénéng. Si samo-samo temanem pun pisang. Gi Bénéng, tenanem ne anak pisang tapi gi Be'uk, tenanem ne pisang bi lai amek, pucuk ne moi beak.

Pisang tenanem Be'uk coa idup. Pisang tenanem Bénéng idup ba'es. Padeak Bénéng, "Bi lai pisang ku."

"Pisang ku bi lai kulo," padeak Be'uk.

An bi kean bi banok pisang Bénéng. Padeak Bénéng ngen Be'uk, "Bi banok pisang ku."

"Bi banok kulo pisang ku, dah!" padeak Be'uk.

Sudo o bi an, buak pisang Bénéng. Tapi Bénéng coa nam kenék. Neluak Bénéng Be'uk kemenék ne. Sapei Be'uk neak das o, si muloi em̄uk ne. Desiket biok, duai siket biok, sudo o jano padeak, lok pecai kute.

Padeak Bénéng, "Kating gi ku desoa, Be'uk!"

"Desoa manis!" padeak Be'uk.

"Nating gi ku kaleak ne, Be'uk," padeak Bénéng.

"Kaleak ne mis," padeak Be'uk. Sudo o abis pisang detudok nem̄uk Be'uk.

"Akuak roh lok males Be'uk yo?" nékér Bénéng. Si pacok kenék, si pacok melupat, uku paneu baé ceñok. Aaa, uku minoi tulung magea Ketem baé."

Si alau magea Ketem. Si madeak asen ne.

"Jijai!" padeak Ketem. Sudo o Ketem alau mesoa Be'uk, coa temau. Ketem diem beak butau emot Be'uk.

Coa an sudo o Be'uk teko, temot neak das butau penan Ketem bunyin. Temot Be'uk neak das butau, muloi Ketem madeak.

"Ketem katip!" padeak Ketem.

"Saaan! Api si do o?" padeak Be'uk.

"Ketem katip," padeak Ketem.

Ketem katip-katip yam Be'uk.

"Hus! Api do o?" padeak Be'uk.

"Huuuut!" senīmet Ketem.

Padeak Be'uk, "Oy, ko luyen nadeak luyen senīmet." Sako be'uk, yam ne gi senīmet kécék ne. Sudo o si mok putung, si temetus yam ne déwék, lajau Be'uk matei. Do o ba amen tun ilen ige. Sako ne, gi senīmet kécék ne nano, yam ne. Ges ne Ketem.

5. Upik

Adé cerito ne mena o tun tuai-tuai. Adé gén tun Pak Ajai. Anok ne semilan. Gi piset su'ang gén ne Upik. Upik yo ba'es nien. Kelebiak ba'es ne. Tun sayang kute ngen si. Tapi pasuak ne coa tujau kemeliak Upik o. Pasuak ne mogoā madeak Upik gi kidék-kidék ne. Nogoā pasuak ne mengiak.

Sudo o adé do nyep neak dasei ne. Tun ribut mesoa. Coa temau, tun temekok Upik mok ne.

Pan̄jang cerito ne, Upik lok nuang moi im̄o. Upik coa namen si lok nuang Bak ne.

Coa an sudo o Upik o najok Bak ne moi īmo. Puéng-puéng bi lalau ēmin mei dibet, lapen tabung.

Sesapei neak beak īmo iding dalen gajeak, nenea Bak ne atep serudung. Waktau pōnok ne bi sudo, Bak ne madeak kēmot si neak pōnok, si lok mok putung neak pa'ok yo si. Sudo o Bak ne lalau.

Do o ba Upik ēmot si. Bi an si ēmot. Coa gén Bak ne teko igai. Ikak-ikok bilai bi pelbeak.

Pōnok neak dalen gajeak nano penan melitas benatang bélék kūnei mesoa upan. Tēmei-tēmei ne melitas gajeak.

Tena'ok ne Upik, "Hoy, Upik, jano uleak nu neak piyo? Bilai bi lok kelmen."

"Uku nuang Bak ku," padeak Upik.

Terus sudo o dau benatang melitas. Kedong su'ang ne melitas dung lai. Tenanyé ne ngen Upik, "Jano nemot nu neak piyo? Bilai ikak-berikok bi lok kelmen."


Senimet Upik, "Uku coa adé penan bélék. Dalen coa ku namen. Uku nuang Bak ku," padeak Upik.



"Amen barat o, maro ba temotoa uku bélék," padeak dung lai. Dung lai musung Upik neak kedong ne. Sudo o nēmin ne Upik moi sadei ne, sembe'ang bioa, nēmin ne melitas īmo bāno.

Sudo o sapei si neak sadei dung lai. Tobo o senamūt tun sadei jijai. Waktau dung lai sapei neak sadei ne, mako si bubeak jijai bujang ba'es. Coa an sudo o si lok jenijai tun ngen Upik.

Kean moi kean uak moi uak tengén ba tobo o jijai.





Waktu ular besar sampai di dusunnya, maka dia berubah jadi bujang ganténg.

6. Kacéa Ngen Raksasa

Mena o adé cerito kacéa lok mesoa kan neak bioa coa uak kuñei penan ne diem. Bilai si lok lalau, si lalau puéng-puéng nien. Si paneu guték-guték.

Nak dalen temau ngen Jauak. Tenanyé Jauak, "Hoy, Cέα! Lok lalau moi ipe ko?"

"Lok mesoa kan," padeak Kacέα.

"Uku milau, buliak, coa," padeak Jauak.

"Maro bah!" padeak Kacέα.

Sudo o terus si paneu berpok Jauak. Coa an sudo o temau ngen Imeu.

"Lok lalau moi ipe udi?" padeak Imeu.

"Mesoa kan," padeak Kacέα.

"Uku milau!" padeak Imeu.

"Maro bah!" jawab Kacéa. Sudo o beguték igai tobo o paneu. Sudo o coa an temau igai ngen Gajeak.

"Lok lalau moi ipe udi?" padeak Gajeak.

"Kémé lok mesoa kan," padeak Kacéa.

"Uku milau, buliak, coa?" padeak Gajeak.

"Buliak!" padeak Kacéa. An bi kean tobo o tu'un lekok, kenék tebing, melitas im̄o. Sapei tobo o neak penan padeak Kacéa o. Muloi ba si metis bioa. Gajeak tukang makut pitok ne. Jauak tukang miko a pitok. Coa an sudo o ke'ing bioa ne. Muloi mesoa kan. Uliak ne nakut moi da'et, nepék beak kieu lai. Neluak Imeu tukang tunḡau ne. Do luyen ne terus mesoa kan.

Bélék cerito ite magea Imeu dong temunḡau kan. Dong si baik-baik temunḡau kan, teko Raksasa. "Hoy, Imeu, jano uleak nu?".

"Temunḡau kan," padeak Imeu.

"Uku lok temelen uliak udi" padeak Raksasa.

"Coa!" padeak Imeu.

"Ko nunuak ku bé," padeak Raksasa.

Gemetea Imeu sa'ei ne. Si melilai magea Kacéa. Si cerito, Raksasa lok em̄uk kan.

"Perai bako! Selon pan̄jang, pa'ing céngéng, coa teguno ne," padeak Kacéa. Kacéa meluak Gajeak temunḡau kan, tapi Gajeak coa kulo binai. Si melilai kemeliak raksasa o. Sudo o neluak Jauak, bi coa kulo binai.

"Bedan kulo! Udi yo lai baé, coa tak kebinai. Bé uku temunḡau ne". Kacéa lalau temunḡau ne. Raksasa ati teko. Kacéa mok bes, mogoā semam̄ung ne panj̄ang-panj̄ang. Dong awei o, teko Raksasa lok em̄uk kan, tapi selé si kemeliak Kacéa dong barat o. Tenai ne, "Oy, Kacéa, jano uleak nu?"

"Uku menea tilai bes sebap bumai yo lok kiamat. Pun kieu diyo ba gi coa ajua ne," padeak Kacéa.

"Uku menupang, Céa!" padeak Raksasa. "Jibeak!" padeak Kacéa.

"Laa, Céa, ite pasuak," padeak Raksasa samo mengiak. "Ko nem̄uk ku bé," padeak Raksasa.

Kem̄uk bah!" padeak Kacéa. "Ceño ngen gacang ite samo-samo matai," padeak Kacéa. Raksasa ngibo ngen tam̄eak saben.

Sudo o Kacéa madeak, "Baik, keso ba tilai dau-dau ne." Lalau Raksasa mesoa tilai bes dau-dau. Bi dau tilai ne, padeak Kacéa, "Kelilit moi awok nu samo nékét neak pun kieu lai yo."

Muloi ba Raksasa mékét awok ne. Nékét ne it-it dau-dau tilai neak awok ne.

"Cubo ngamuk," padeak Kacéa. Tapi raksasa cigai nam lepas igai.

"Léngét kelem, bilai lok ujen," padeak Kacéa. "bumai lok ajua."

ka	ku	ki	ké	ko	kau	keu, ke	këa, kah	ka', kak	kai	kar	kang	kan	-k

Sudo o Kacéa mékét kagen Raksasa lajau cigai nam menyabai, matei kulo.

"Diyo ba upeak tun galok museak uliak tun luyen," padeak Kacéa.

Raksasa matai, Kacéa meñok kuat-kuat ne, meluak kemeliak. Kuat-kuat ne lajau saben kute ngen Kacéa.



7. Tinuak

Adé bel o neak sadei uak kuñei pasar adé tun semulen ba'es. Gén ne Upik. Si anak diwo tu'un moi bumai kerno sepasuak ne coa adé as kemeliak si.

Pewéng-pewéng si lalau meñai moi bioa Kotok coa uak kuñei umeak ne. Si pogo mepuk buk ne. Jijai bayang-bayang ne bekaco neak bioa. Unen ne o neak beak pun kieu lai. Neak das pun kieu o adé tungāu ne semat. Semat o gén ne Tinuak. Si dong temot neak das pun kieu lai o. Keneliak ne bayang-bayang Upik neak bioa o. Sako ne bayang-bayang ne. Sudo o keneliak ne adé do igai ges ne bayang-bayang Upik. Jengik si kemeliak bayang Upik o.

Adé kulo neak sadei luyen bujang ba'es. Gén ne Bujang Kurung. Si lalau meto-meto samo em̄in piket puyuak. Paneu-paneu runjō masuk im̄o keluea im̄o, masuk sadei keluea sadei. Temau ba si sadei Upik tun ba'es nano. Si kemeliak, Upik ba'es nien. Sudo o, si meluak Mak ngen Bak ne masen. Nasen Mak ne Upik o. Ges ne Upik lok kulo. Bi sudo basen kedau peletok ne, serto ngen luyen-luyen ne bi sudo, bilai ne bi tenetep. Tinḡea mot nikeak baé igai.

											
ka	ga	nga	ca	ja	ta	da	pa	ba	na	ma	ya
											
ra	la	wa	sa	ha	a	nya	mba	nnga	nda	nja	

Asen ne nano, teni'uk semat selawei dong neak das pun kieu penan tun meñai yo. Semat yo jengik temi'uk. Coa an sudo o Upik lok nikeak tun ngen Bujang Kurung. Gen tai tun dau neak umeak Upik yo. Tun lok du'o, Upik lalau moi bioa lok meñai. Semat selawei kemeliak Upik lok meñai. Si temulok Upik lajau Upik cucia moi bioa Kotok, lajau monot. Semat nano nyalik bubeak jijai semulen serai ngen Upik. Cicak ne Upik. Coa tun sako do bélek kuñei meñai nano iso Upik. Sudo o, nikeak ba tun semat nano ngen Bujang Kurung.

											
ka	ga	nga	ca	ja	ta	da	pa	ba	na	ma	ya
											
ra	la	wa	sa	ha	a	nya	mba	nnga	nda	nja	

Bélék cerito ite ngen Upik nano. Si monot terus sapei neak sadei Tunḡang. Tenakep tun. Naket tun jijai anak semang. Bélék igai cerito ite magea semat selawei nano gi jijai ngen Bujang Kurung nano. Ges ne Tinuak. Kerjo ne coa tun namén si ngelinḡing baé awei olog panes das butau.

Coa an sudo nikeak, Bujang Kurung bolon baé. Kedong bi meleket ngen tikea, awak bi ja'ai, tingēa babok malut telan, emuk mei cigai seliro, emuk bioa cigai lurus. Tun bi rényéng kute mékér si. Mecem-mecem ubet bi nelei kute, tapi Bujang Kurung coa kenoi ka'en.



Sudo o adé tun kuñei sadei luyen semulau ne. Tun semulau yo selawei. Neñin ne mei ngen bioa, neluak ne Bujang Kurung emuk. Tabea kulo, Bujang Kurung ngejut ka'en igai, emuk mei bi galok. Tapi amen beei o belék moi sadei ne, Bujang Kurung miño igai bolon. Amen selawei o teko, Bujang Kurung ka'en igai. Bujang Kurung awei o ba si terus.

Nemok ite peñok cerito ne. An-an tenai tun, "Api si ko do nien ne?". Selawei o coa lok cemerito. Bi nekuak tun baru selawei o cemerito. Bi sudo temi'uk cerito o, baru tun namen selawei yo adé ba Upik gi monot bel o.

Tinuak temi'uk kulo cerito o. Latok tun temakep ne, lasung tun meñem neak bioa lajau matei. Upik nano lajau diem neak umeak Bujang Kurung. Bujang Kurung jago awei galo igai.



Sétan perempuan tadi melihat Upik mau mandi, dia langsung mendorong Upik ke sungai sehingga Upik jatuh hanyut.

8. Be'uk Magea Bénéng

Mena o adé cerito Be'uk sepa'ok umeak ngen Bénéng. Be'uk kekabuk-kabuk melañai moi umeak Bénéng. Waktau o bilai ujen baé. Padeak Be'uk ngen Bénéng, "Jano uleak te, San? Bilai merai, ujen baé."

"Bediang baé ite," padeak Bénéng.

"Maro bah!" padeak Be'uk. Sudo o Bénéng mok putung kieu baru midup opoi lai-lai. Bediang ba Be'uk ngen Bénéng, emot bilai ujen nyei. Coa an sudo o ujen nyei. Tenanyé Bénéng, "Lalau moi ipe ite mesoa lukak meto bilai yo, San?"

"Moi ipe kelok," padeak Be'uk samo pékér. "O, adé lukak ne, San," padeak Be'uk samo tawai. "Ite maling pedes Pak Ajai baé. Si coa lalau moi dumai bilai yo, bilai ujen.

"Maro ba ite!" padeak Bénéng.

Coa an sudo o lalau ba Be'uk magea Bénéng moi maling pedes. Paneu beduai o beguték moi ma'ok dumai penan pedes Pak Ajai. Bi sapei tobo o neak penan, Be'uk muloi em̄uk pedes. Bénéng em̄uk kulo. Waktau Be'uk em̄uk pedes o, si tepengāng, "Wuuuoy! Pelegiak pedes Pak Ajei yéh!"

"Jibeak miling lék ige," padeak Bénéng. "Padeak kelék ne, Be'uk. Jano gén," padeak Bénéng.

Tapi Be'uk miling tāmeak lék, "Inok! Pelegiak pedes Pak Ajai yo!" padeak Be'uk.

"Diem! Diem!" padeak Bénéng. Tapi Be'uk tāmeak lék, lajau Pak Ajai namén. Si melago jemalang Be'uk magea Bénéng. Be'uk gacang ngacap, tapi Bénéng ceñok, dapet tenakep Pak Ajai Bénéng. Si melago mokoā Bénéng neak kebun tebok salok. Tesakut Bénéng neak kebun tebok salok. Unyak kalau kenem̄us angin.

ka	ku	ki	ké	ko	kau	keu, ke	këa, kah	ka', kak	kai	kar	kang	kan	-k

Sudo mating Bénéng moi kebun tebok salok nano, Pak Ajai bélék. Beguték Be'uk magea Bénéng gi dong sakut neak tebok salok. Guték-guték si mecat Bénéng neak penan kuneⁱⁱⁱi si sakut. Sudo mepas Bénéng, be'uk tanⁱⁱja kulo. Be'uk us lajau sakut neak kebun tebok salok o nano. Bénéng coa nam roh temulung ne, lajau Be'uk matei.

